

BULETIN ICAN

UiTM NEGERI SEMBILAN
NOVEMBER 2023

**PROGRAM "UNITE FOR HUMANITY" MENGGALAKKAN
SEMANGAT GENERASI MUDA MENJADI AHLI
SUKARELAWAN**

*Siti Aishah Mohd Shafie, Noorezatty Mohd Yusop, Nuralina Azlan,
Nor Akmal Md Noh.*

**KESINAMBUNGAN KERJASAMA ERAT ANTARA UiTM
CAWANGAN NEGERI SEMBILAN DAN HOSPITAL PAKAR
CMH SEREMBAN BAGI PENGANJURAN PROGRAM
BERASASKAN KESIHATAN**

Siti Syaida Sirat, Ahmad Husaini Mohamed & Jamil Mohamed Sapari

**PROGRAM UiTM ALUMNI FUN RUN 2023 CAWANGAN
NEGERI SEMBILAN**

*Asmahanim Binti Haji Mohamad Yusuf, Nur Hafizah Abdul Khalid, Nur Amirah Nabihah
Zainal Abidin, Fatin Aliyah Binti Hasan, Mohd Nur Fitri Bin Mohd Salim*

eISSN 2811-3802



9 7 7 2 8 1 1 3 8 0 0 0 8

Kesinambungan Kerjasama Erat Antara UiTM Cawangan Negeri Sembilan dan Hospital Pakar CMH Seremban Bagi Penganjuran Program Berasaskan Kesihatan

SITI SYAIDA SIRAT, AHMAD HUSAINI MOHAMED & JAMIL MOHAMED SAPARI

UiTM Cawangan Negeri Sembilan (UiTMCNS) dan Hospital Pakar CMH Seremban sekali lagi bekerjasama bagi penganjuran berasaskan kesihatan. Sebelum ini, kedua-dua rakan kerjasama ini telah berjaya melaksanakan program “International Community Service Programme 2023 (ICSP 2023)”. Kini sekali lagi kesinambungan kerjasama diteruskan dengan penganjuran “Pra Pendaftaran Saringan Mammogram & HPV DNA”. Program ini telah berlangsung pada 26 September 2023 bertempat di Ruang Legar PTAR UiTM Kampus Seremban 3. Penganjuran program ini melibatkan Pusat Pengajian Kimia dan Alam Sekitar dan Jabatan Pengurusan dan Perniagaan, Fakulti Pengurusan dan Perniagaan, Kampus Kuala Pilah dengan kerjasama Hospital Pakar CMH Seremban dan Lembaga Penduduk dan Pembangunan Keluarga Negara (LPPKN). Objektif utama program ini adalah untuk memberi kesedaran awal tentang kesihatan kepada warga UiTM dan orang ramai khasnya golongan wanita untuk menjalankan pemeriksaan mammogram dan HPV DNA secara percuma. Pemeriksaan awal mammogram dan Human Papillomavirus HPV DNA kepada golongan wanita adalah penting bagi pencegahan awal kanser payudara dan serviks yang menjadi musuh utama golongan wanita. Melalui program ini, maklumat dan kesedaran awal berkaitan kanser payudara dan serviks dapat disalurkan kepada golongan wanita. Antara aktiviti lain yang turut diadakan adalah saringan ujian tekanan (stress) dan konsultasi pengurusan stress. Para pelajar dan staf UiTMCNS turut mengambil peluang dalam melakukan saringan ujian tekanan ini dan mendapatkan maklumat berkaitan pengurusan stress. Program juga diserikan dengan aktiviti putaran roda bertuah yang disediakan oleh pihak CMH. Secara keseluruhannya, penganjuran program ini adalah amat memberi faedah kepada seluruh warga UiTMCNS dan masyarakat setempat. UiTMCNS dan CMH menyediakan platform kepada masyarakat setempat untuk datang mendapatkan maklumat kesihatan dan pemeriksaan kesihatan secara percuma. Semoga program seperti ini dapat diteruskan lagi pada masa hadapan dan ianya adalah seiring dengan aspirasi UiTM untuk membantu dan memberi manfaat kepada masyarakat sekitar.



Kesemua jawatankuasa penganjur dari UiTMCNS, Hospital Pakar CMH Seremban dan LPPKN.



Sekitar aktiviti yang dijalankan semasa program berlansung.